

ՍՈՒՐԲ ՀԱՐՈՒԹՅԱՆ ՏՈՆԸ ՄԱՅՐ ԱԹՈՌՈՒՄ

Ապրիլի 19-ին, կիրակի.—Ջատիկ: Յարութիւն Տեառն մերոյ Յիստսի Քրիստոսի:

Ամեն տարի Ջատիկի տոնը նշվում է ծաղկագարդ գարնանը: Կարծես բնությունն էլ իր հերթին արձագանքում է Քրիստոսի հրաշափառ Հարությունը և մարդկանց հոգիները լցնում զարթոնքի հավերժածուի լույսով: Ջատիկի տոնը քրիստոնեական աշխարհի մեծագույն տոնն է:

Վաղ առավոտից Մայր տաճարը լեփլեցուն է հավատացյալ բազմությամբ. Ջատիկի տոնի առթիվ բազմաթիվ ուխտավորներ են եկել Էջմիածին քաղաքից, Երեւանից և Հայաստանի տարբեր շրջաններից ու գյուղերից:

Ժամը 11-ն է: Հնչում են Մայր տաճարի ավետարեք զանգերը՝ ի լուր ամենքի ազդարարելով Քրիստոսի հրաշափառ Հարությունը:

Վեհափառ Հայրապետը զգեստավորված, եկեղեցական թափորով, եկեղեցու զանգերի տոնական ու քաղցրահունչ դռնակների և հոծ հավատացյալների ջերմեռանդ արտահայտությունների ներքո Վեհաբանից առաջնորդվում է Մայր տաճար՝ մատուցելու օրվա հանդիսավոր սուրբ պատարագը:

Մայր տաճարի աշակողմյան և ձախակողմյան դասերում տեղ են գրավել հյուրաբար Մայր Աթոռում գտնվող արտասահմանից ժամանած հայ ուխտավորներ:

Ջատիկական ա. պատարագին ներկա են նաև Հայկական ՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ տիար Ս. Վարդանյանը և տեղակալ տիար Ռ. Զարգարյանը:

Ս. պատարագի հոգեպարար արարողությունն սկսվում է և հանդիսավորությամբ շարունակվում մինչև «Հայր մեր»:

Այնուհետև Վեհափառ Հայրապետը, հաղորդելով Քրիստոսի հրաշափառ Հարության ավետիսը, շնորհավորում է համայն հայության Ջատիկը, որ ի Հայաստան և

որ ի սփյուռն աշխարհի, ու խոսում իր ոգեշունչ քարոզը՝ նվիրված օրվա տոնին և նրա խորհրդին: Վեհափառ Հայրապետի քարոզը նույն օրը, երեկոյան ժամը 23.30-ին, ձայնապնդեց Երևանի ռադիոկայանից (Քարոզը տես էջ 3):

Հավարտ ա. պատարագի բազում հավատացյալներ Վեհափառ Հայրապետի ձեռքից ստանում են ա. Հաղորդություն:

Սուրբ Հաղորդության շնորհաբաշխումից հետո Վեհափառ Հայրապետը եկեղեցական թափորով առաջնորդվում է Վեհաբան՝ իր ճանապարհին օրհնելով հավատացյալ բազմությանը:

Վեհաբանում Վեհափառ Հայրապետը մի անգամ ևս օրհնում է ներկաներին Ս. Ջատիկի տոնի առթիվ: Ապա բոլոր ներկաները շնորհավորում են Վեհափառ Հայրապետին՝ Ս. Ջատիկի տոնի առթիվ, և աջահամբույրով իրենց խոնարհությունը հայտնում նրան:

Նույն օրը, ժամը 15-ին, Վեհաբանի սեղանատանը տրվում է պաշտոնական ճաշկերույթ, որին ներկա էին Ս. Էջմիածնի Գերագույն Հոգևոր Խորհրդի անդամները, Մայր Աթոռի պաշտոնական անձինք և հյուրեր Անգլիայից, Ֆրանսիայից ու Ամերիկայի Միացյալ Նահանգներից:

Պաշտոնական ճաշկերույթին ներկա էին նաև Հայկական ՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ տիար Ս. Վարդանյանը և տեղակալ տիար Ռ. Զարգարյանը:

Ճաշկերույթի ընթացքում բոլոր ներկաները հոտնկայա բաժակ են բարձրացնում Հայոց Հայրապետի կենաց արևշատության և Մայր Աթոռ Ս. Էջմիածնի պաշտոնության ու անասանության համար:

Ջատիկական ա. սեղանն ավարտվում է Վեհափառ Հայրապետի օրհնությամբ և աղոթքով:

«Քրիստոս յարեալ ի մեռելոց». «Օրհնեալ է Յարութիւնն Քրիստոսի»: